

奉天省岫巖州鄉土志

一冊

奉天省岫巖州鄉土志

沿革歷史

本境自天聰七年三月置

未置本境以前

唐本青州虞屬營州

謹按禹貢海岱惟青州孔傳以為東北據海西南距岱正義惟青州之境非止海畔故曰據也舜時改置營州鄭康成謂舜以青州越海分置營州是堯時遼東本屬青也杜佑作通典遵用舊說謂青州從岱山東歷密州東北經海曲萊州越海遼東樂浪三韓之地西抵遼水馬考亦因之以今輿地言之從大遼水

為界遼水東之奉天為古青州境遼水西之錦州府為古冀州境岫在奉天府南而偏於東相距四百二十里當在古青州界內

夏繫冀州商改屬營州周初屬幽州春秋屬燕國

尚書集傳舜分冀州東北醫無閭之地為幽州通典舜以青州東北越海分置營州一統志夏省幽營併為冀州商改冀州總名營州周初復名幽州時肅慎國在其東北朝鮮在其東南實兼冀營二州地同為幽州戰國時遼河左右屬燕通鑑王賁攻遼東虜燕王喜還

秦屬遼東郡

通鑑秦代周分天下為三十六郡按有遼東在焉又王賁克燕
分置遼東西二郡一統志秦以遼河左右置遼東遼西二郡

漢初因之隸樂浪東沃沮後漢屬元菟漢末屬平州

通鑑武帝元封二年朝鮮

在秦時為遼東外徼

襲殺遼東都尉遣將軍楊

僕荀彘將兵伐之元封四年朝鮮相參殺其王右渠降拓朝鮮

地為樂浪臨屯元菟真番四郡復修遼東故塞至沮水

考輿地志即大

江一統志載奉天府南近海為沃沮漢時所置後漢書東沃沮

在高句驪蓋馬大山之東

案原注蓋馬縣名屬元菟郡滿洲源流考其山在今平壤城西平壤即王

險城也東濱大海北與挹婁夫餘南與濊接其地東西狹南北長

可折方千里武帝滅朝鮮以沃沮地為元菟郡後徙於高句驪

西北更以沃沮為縣屬樂浪東部都尉官封其帥為沃沮侯又有北沃沮去此八百餘里南接挹婁通鑑獻帝初平元年以公孫度為遼東太守到官以法誅名豪大姓百餘家郡中震慄乃東伐高句驪西擊烏桓謂所親吏柳毅楊儀等曰漢祚將絕當與諸卿圖王耳遂據遼東為遼西中遼郡安帝分遼東西二郡地為遼東屬國度復分之各置太守自立為遼東侯平州地在今遼陽州牧續文獻通考哀平之際凡新置郡六十三合秦郡得百三縣邑一千三百十四道三十二侯國二百四十一其地東西延廣九千三百二里南北袤長萬三千三百六十八里光武帝以官多役煩乃併郡國十縣道侯四百餘所安帝析為遼東西二郡後漢書韓有三種

馬韓在西有五十國其北與樂浪南與倭接辰韓在東十有二國其北與濊接弁辰在辰韓之南亦有十二國其南亦與倭接凡七十八國各在山海間地合方四千餘里東西以海為限謹按滿洲源流考考之岫巖在漢時當介馬辰兩韓之間而韓無所統地仍繫於郡縣

三國魏屬燕屬平州還合幽州又屬高句驪與韓雜處

通鑑蜀漢建寧十一年公孫淵稱臣奉表誑吳吳拜淵為燕王乃斬吳使者獻於魏魏封樂浪公至延興元年公孫淵不臣魏自為燕王改元紹漢復誘鮮卑擾北方魏遣司馬懿討之殺淵於襄平

即今遼陽淵將楊祚等請降而還卒為高句驪段氏宇文氏

所得一統志後漢安帝增置遼東屬國郡尉漢末公孫度所據
魏克之置東夷校尉治襄平而分遼東元菟樂浪昌黎帶方五
郡為平州後還合為幽州三國魏志韓在帶方之南東西以海
為限南與倭接方可四十里有三種馬韓在西辰韓在馬韓之
東弁辰與辰韓雜處其瀆盧國與倭界接謹按滿洲源流考云
兩漢魏晉時國於東方者為夫餘挹婁三韓其邑落散處山海
間又有沃沮濊等名核之史傳沃沮之在東者東濱大海北接
挹婁夫餘又有北沃沮南沃沮並皆散處山林無大君長

晉屬高句麗東晉屬平州屬之平郭省縣境又屬前燕後燕北燕
燕錄慕容廆於太興二年始逐平州刺史崔毖據有遼東以其

子仁鎮之四年拜龐平州牧自是平州之治移於棘城

即今義州

前

此猶治遼東也一統志亦因之按通鑑太康二年慕容廆招誘

逃亡叛昌黎太康十年請降詔以為鮮卑都督徙居大棘城永

嘉五年擊連津破獲斬之七年攻段氏取徒河太興三年敗高

句麗段氏宇文氏遂取遼東獻捷朝廷重之以龐為安北將軍

平州刺史咸和八年龐卒其子銑立其子仁逃奔段氏據平郭

漢縣晉省縣存城在今之蓋平縣

至咸康三年銑始稱王是為前燕與燕錄所

載互異又晉太和五年秦苻堅執燕王暉以王猛為冀州牧都

督關東六州軍事孝武太元八年丁零翟斌攻洛陽秦使慕容

垂討之垂合斌叛秦太元九年垂自稱燕王圍鄴遣其弟德及

從子楷等攻秦枋頭館陶皆取之於是關東六州郡縣多降于燕是為後燕傳至熙為高雲所弑安帝義熙五年馮跋弑雲自立為天王是為北燕晉書太元十年高句麗寇遼東慕容佐遣司馬郝景救之為高句麗所敗遼東元菟遂沒十一年慕容農進伐高句麗復遼東元菟二郡又辰韓在帶方南東西以海為限馬韓居山海之間無城郭有小國五十六所辰韓東分十二國又有弁辰亦十二國屬于辰韓晉以後韓之名不復詳見於書籍蓋燕亡之際悉入高麗

後魏初屬北燕還屬高句麗

通鑑後魏延和三年燕王宏

馮跋之弟

稱藩于魏太延元年宏又稱

藩於宋二年魏伐燕娥清古弼攻白狼城今熱河八溝境克之燕王宏奔高麗高麗處燕主於北豐尋以其遣使求宋迎殺之按北史高句麗傳至後魏時其國東至新羅西度遼二千里通典云安東都護府後魏時高句麗都其地蓋遼東元菟故地北燕亡時沒於高句麗也

齊周屬高句麗

一統志載後魏及隋遼河以東屬高句麗遼河以西為營州之

東界又東北為靺鞨國

即古肅慎氏地

隋屬高麗

即高句麗

通鑑大業八年親幸遼東合御營六軍左右各十二軍總集平

壤攻久不克來護兒以水軍敗績尋還十年來護兒擊破高麗
於卑奢即卑沙城城高麗王始降一統志載岫巖在隋時屬高麗慶
州地未詳所自新唐書濊故地為東京龍原府亦曰柵城府領
慶鹽賀穆四州按遼史四州為渤海置其考似不從此出錄以
俟考正

唐屬安東都護屬之巖州大氏據後屬龍原府屬之白巖縣

滿洲源流考云巖州古城在遼陽州城東北五十七里石城山

上按此或白楊城之誤遼史龍原永安烏山壁谷熊山白楊臺石為城通鑑貞觀十九年五月帝

渡遼拔遼東城今遼陽州六月攻白巖城進攻安市元之湯池省縣地在蓋州東北

敗其援兵於城下受白巖降改為巖州按李世勣之潛師濟遼

水攻拔蓋牟城

平今蓋縣

張亮以舟師渡海襲卑沙城

今海城縣

後先相

映首尾相聯則白巖

卑沙遼東蓋牟白巖安市諸城皆高麗築之

為是城可知遼史

東京巖州白巖軍本渤海白巖城太宗撥屬瀋州白巖縣渤海

置

按此遼以前白巖本不在瀋州也

通鑑總章元年李世勣拔高麗諸城薛仁

貴佐之敗高麗兵於金山乘勝攻扶餘城進攻太行城拔之諸

軍會進至鴨綠柵復破圍平壤擒高麗

一藏高麗平

凡收五部百六十七

城戶六十九萬

分高麗為九都督府四十二州百縣置安東都護府于

平壤總兵二萬鎮撫之高麗別種大祚榮徙居營州阻險自固

武氏使李楷固討之大敗祚榮遂據東牟山高麗靺鞨之人稍

稍歸之地方二千里戶十餘萬勝兵數萬人附于突厥中宗時

遣子入侍至開元元年以大祚榮為渤海郡王一統志載奉天府治古挹婁也東北盡屬挹婁北為扶餘南近海為沃沮漢時所置遼東樂浪元菟三郡多屬府治之東南及朝鮮界內地唐封渤海其後僭置五京十五府六十二州即今府治建瀋定二州屬定理府考唐書渤海傳今岫巖治在龍原府屬之白巖縣遼屬東京道歸鐵二州之境

遼史東京歸州太祖平渤海以降戶置後廢統和二十九年伐高麗以所俘渤海戶復置縣一歸勝一統志載歸州統和十九年復源流考云按明一統志載初置鐵嶺衛在今鐵嶺城東南五百餘里故鐵嶺城與高麗接界洪武二十六年方移其名於

今治所又安市廢縣在蓋州衛東七十里故鐵州金為湯池縣
元省

金屬蓋州屬之秀巖湯池二縣

一統志載金廢鐵州以湯池屬蓋廢歸州降縣為歸勝鎮尋改
為大甯鎮明昌四年升大甯鎮為秀巖縣屬蓋州

元屬蓋州路併入遼陽路為金時湯秀故墟

滿洲源流考辰州本高麗蓋牟城亦曰蓋葛牟渤海改為蓋州
又改辰州遼置辰州奉國軍統縣一建之金仍改蓋州統縣四
湯池即遼鐵州秀巖即今岫巖熊岳即遼廬州並金時廢州來
屬惟建安尚仍遼舊至元時併湯池熊岳入建安又省建安入

蓋州路後又以蓋州路併入遼陽路

明屬蓋州衛

續通考明洪武四年置定遼都衛於咸京八年改為遼東都指揮使司以領各衛盡罷所屬州縣改元之遼陽路置定遼中左右前後五衛又東甯海州蓋州復州金州五衛岫巖本元時省縣併入蓋州雖與復州衛有交互之區已截分莊河應專指

蓋州衛

既置本境以後

粵自我

原皇帝肇基

長白山東俄漢惠之野
俄朵里城國號滿洲

王迹至於

高皇帝

誕降

己未明嘉靖三十八年

十九年

明萬曆十一年

春蘇克蘇許河部圖倫城有尼堪

外蘭者陰搆明寧遠伯李成梁引兵攻古勒城主阿太章京
城主妻乃禮敦女

景祖聞警恐孫女被陷偕

顯祖往救先後入城欲攜女孫歸阿太章京不從成梁攻城不能克

尼堪外蘭請往撫至城大呼給城中人有能殺阿太來降者
即令為城主城中人信之殺阿太降成梁誘而屠之並害我

景祖

顯祖

上聞之大慟詰明邊吏明遣使謝歸

二祖喪

上日夜思復

祖

父讐遂伐尼堪外蘭克圖倫城尼堪外蘭遁丙戌秋七月執而斬之

然而

先王之隱痛寔有已乎於是

締造經營

武備

兵書製